

حينما تصبح قيمتك في الحياة صفر | #محاضرة | د. حازم

شومان

حازم شومان

للله وكفى وصلوة وسلاما على عباده الذين اصطفى. اللهم لك الحمد كله ولكل الملك كله. وبيدك الخير كله وبالإله يرجع الامر كله. اللهم صل على عبدك ونبيك محمد صلى الله عليه وسلم. في الاولين والآخرين وفي كل وقت وحين. أما بعد اخواني وآخواتي في الله ربنا بيارك في هذا الجمع المبارك وبيارك - 00:00:01

اخواني شيخ نادر ومشايخنا واساتررتنا قائمين على المسجد والرجاله اللي فوق والشباب يعني اخواتنا الكريمات اللي يشرفونا بالحضور ربنا بيارك في هذه القرية المباركة واسأل الله سبحانه وتعالى ان ينزل على هذه البلدة من بركاته ورحماته. اسأل الله ان 00:00:24 بيارك لاهل هذه

البلدة في ايامهم وفي يقينهم وفي حسن توكلهم على الله. وفي طعامهم وشرابهم وان يفرج كربهم. انه ولني ذلك والقادر عليه اما بعد اخواني واحبابي في الله يعني اه شيخ نادر قرأ كده اية انا شايف المسجد ما شاء الله مليان شباب. ما دام مليان شباب يبقى مليان امل. ما دام مليان شباب يبقى - 00:00:44

مليان امل كل واحد منكم هيبقى بكرة امل من امال هذه الامة. امل من امال هذه البلد. كل واحد منكم ممكناً بكرة يبقى حاجة كبيرة 00:01:04 وخاصة مهمة وممكناً ما ييقاش له اي دور في الحياة. ولا من سمع ولا من جري ويموت زي ما مات غيره ولا يؤدي اي دور. على الاطلاق -

عشان كده الله يقول وعنه مفاتيح الغيب لا يعلمها الا هو. بعض المفسرين قالوا مفاتيح الغيب. يعني مصائر مستقبل العباد. يعني ايه انت هتبقى ايه بكرة؟ انت بكرة هتبقى ايه؟ انت بكرة هتعمل حاجة. هيبقى عندك طموح. هتحقق امالك. هتساهم بصمة لامة دي ولا انت هتعيش - 00:01:24

وهتموت زي ما عشت والكلمة يعني الاية اللي قرأها الشيخ نادر. وبصراحة تمزق اي قلب لو خرجوا فيكم ما زادوا لو خرجوا فيكم هذا 00:01:44 الانسان قيمته في الحياة صفر. او عى تبقى انت الشخصية دي. او عى تبقى قيمتك في الحياة صفر لو - خرجوا في واحد قاعد وسط الناس وخلاص. ما لو ش اى قيمة اضافية في الحياة. لا يمسل قيمة في اى مكان. عكس مباركا اينما كنت. لو خرج ارجو فيكم ما زادوكم. انسان لا عنده روح مبادرة ولا عنده ايجابية ولا عنده قوة ولا عنده اضافة. انسان قيمته في 00:02:04 الحياة عند الله -

وعند الناس تساوي صفر لو خرجوا فيكم ما زادوكم قبلها ربنا قال كلمة خطيرة اوبي. قال ولكن كره الله انبعاثهم تخيل اما ربنا يعني ربنا يحب اى حد يشتغل في الدعوة. ان اى ربنا كاره ان ده يشتغل في الدعوة. ربنا كاره ان ده ينزل - 00:02:24 ربنا كاره ان ده يدخل في وسط المتدرين ليه؟ كره الله انبعاثهم فتبطئهم ثبتهم اي ملأ قلوبهم وملأ اجسادهم بالكسل وملأ ايديهم بالعمل 00:02:44 وملأ طريقهم بالعلل. يعني مش هيشتغل يحصل له مشاكل هو فيه ايه؟ هو ربنا مش مسهل لي الامر ليه؟ هي الدنيا مقلة في وشي ليه؟ كاره الله انبعاثه فتبطئهم وقيل -

اقعدوا مع القاعدين. ليه؟ عشان لو خرجوا فيكم ما زادوكم عشان هو صفر اصلا. عشان هو انسان لا يمسل اي قيمة بالعكس ده ممكناً يبقى العكس طيب يعني عايزين يا شباب ما دام بقى المسجد فضل ومنه الله يعني مليان شباب وكله شباب حتى الناس الكبار

اللي زبي كده برضه شباب يعني. لان الشباب شباب - 00:03:14

القلب خدوا بالكم يعني. فحد يقدر يقول لي اية العلماء قالوا دي اية الشباب المفسرين ويأخذ مية جنبه! قالوا هزا هو الشباب ويأخذ ميت جنبه. ميت جنبه يا شيخ. شيخ نادر. اه - 00:03:34

ايه؟ فتية امنوا بربهم! لأ ما هو فتية هم فتية! ما هو فتية دي يعني آآ يعني من الفتوة اصلا وشبابنا يا رجال انا عايز اية لمفسرين قالوا عليها او بعض المفسرين قال دي اية هو ده الشباب. هزا هو الشباب. لأ في سورة - 00:03:54

ايه يا شيخة انا انا واية رقم كم في سورة ايه ماشي ما انا بيصل لك ما انا عارف انه ايه اللي قال بس انا ها مية جنبه يا رجاله - 00:04:14

واز قال موسى لفتاه لا ابرح حتى ابلغ. قال لك لا ابره حتى ابلغ دي هي الشباب. اللي الروح دي هو ده الشاب مش الشاب اللي لسه شعره اسود. مش مش الشاب اللي لسه شعره ما وقعش والبروفة ما مسكتش والدنيا مش الشاب اللي عنده عشرين - 00:04:24 عشرين سنة يعرف يجري تلات ساعات في ملعب الكورة. لأ الشاب اللي عنده لا ابرح حتى ابلغ. اللي مصمم انه يوصل لاهدافه وعنده طموح ويعني بنتجوز لما كان عنده تمانين سنة وراح يتعلم القراءات العشرة كان شاب ولا مش شاب؟ هو ده شاب لا ابرأ حتى قبله - 00:04:44

طول ما انت جواك طموح وجواك اهداف. ومصمم توصل لها ويتكافئ عشان توصل لها. انت شاب. هو ده شباب القلب. انما ممكن واحد عنده عشرين سنة وعجز عنده اكتئاب وعنه توتر وعنه ضغط نفسي ومشلول ومحطم ومحبط ومكتئب وتابه وما بيعملش حاجة في حياته ده - 00:05:04

منين؟ الشباب هي لا ابرح حتى ابلغ اللي عنده دي منكم هو ده الشاب. هو ده اللي احنا بنكلمه. تعالوا يا شباب بقى اما نتكلم عن اسباب النجاح في الحياة. ازاي ان انت بيقى لك قيمة في الحياة؟ ازاي انك انت قبل ما تموت تكون سبت بصمة في الحياة؟ ازاي انك انت بيقى لك قيمة عند الله وعند - 00:05:24

يا ملائكة السماوات عند الناس. ازاي بتحقق طموحك؟ ازاي تبقى انسان ناجح؟ ازاي ما تبلاش انسان فاشل؟ ها حكي لكم الاول قصة واحد اسمه محمد لكم واحد فيكم اسمه محمد؟ ما شاء الله. كتير اسمهم محمد هنا. ولكن هو كان اسمه محمد ادريس. عرفته ولا لسه اهل مصر في زمن اشمعنى الامام الشافعي يقول لك مصر شافعية - 00:05:44

ابن ادريس الشافعي امام الشافعي. ححكي لكم قصة الامام الشافعي عشان تعرفوا مين اللي بينجحوا في الحياة. هو اشمعنى الشافعي بقى الشافعي؟ يعني كان في ائمه في الشافعي ولا ما كانش فيه؟ ها؟ الليس ابن مالك. ليس ابن مالك ده كان قصة ان فقيه اهل مصر في زمن اشمعنى الامام الشافعي يقول لك مصر شافعية - 00:06:04 وتلت العالم الاسلامي شافعي والدنيا شافعية والازهر بيدرس المذهب الشافعي وناس بتموت في اشمعنى ده يعني؟ يعني اشمعنى ده اللي الام كلها اجمعتم عليه. اشمعنى ده اللي لما جه مصر جمع عمرو بن العاص تسلم له راح مكة قعدوه على الكرسي الذي لم يجلس عليه في - 00:06:24

تاریخ الاسلام الا عبد الله ابن عباس. راح العراق ادوا له المسجد الكبير في العراق. اشمعنى ده اللي الدنيا كلها وقفت له؟ عشان ايه؟ حد يعرف الشافعي ماتوا عنده كم سنة؟ اربعة وثمانين ولا اربعة وتسعين ولا كم؟ اربعة ايه يا عم الجمال ده! ما شاء الله! طب وكتت يعني اربعة - 00:06:44

وخمسين. جزاكم الله خيرا. انت اسمك ايه؟ محمد. يعني على اسم الامام الشافعي. محمد احنا عايزين نتشافعن النهاردة كلنا عايزين نتبع المذهب الشافعي. بس مش المذهب الشافعي في الحال والحرام. المذهب الشافعي في الحياة - 00:07:04

طريقة ذلك الراجل الامام الشافعي اتولد في غزة وطول عمر غزة طبعا رمز العزة اتولد في غزة. ابوه كان فقير جدا ومش لاقى يأكل ولا يجد قوت يوم ابوه مات وهو شاب صغير. وده اول ابن كانت مرات ابو الامام الشافعي حامل فيه. فالامام الشافعي اتولد يتيم - 00:07:18

يتيم وهو عنده سنتين ابوه مات فبقى يتيم وما لوش اخوات وامه لا تجد قوت يومها. اي واحدة في مكان ام الامام الشافعي هتتحط في موقف رهيب يعني طب تجوز حد يصرف على ابنها طب تعمل ايه ؟ ولكن ام الامام الشافعي كانت بسبع تلاف راجل. من رجالة الايات دي فضلا عن ستات الايام - 00:07:38

وتقرر انها تنزل ابنها لعلم الشريعة ولعلم الدين. وتسافر لمكة ترجع لمكة لان الامام الشافعي اصلا من قريش ترجع لمكة وتقرر ان هي تموت نفسها عشان تصرف على ابنها وابنها ما يطلاعش اي حاجة غير في العلم الشرعي. وهو عنده 00:07:58 اربع سنين توديك كتاب. الامام الشافعي ما لا يملك اي حاجة. يروح يقعد وسط الاطفال في الكتاب. الشيخ بتاع الكتاب قعد يحفظ الطفل اللي جاب له اكل والطفل اللي جاب له فلوس - 00:08:18

والطفل اللي جاب له حاجة والامام الشافعي ما عندهوش حاجة يديها له. فرمى الامام الشافعي. وما رضاش بهم ولا يحفظه. فرجع يبيكي لامه بعد فترة بقى من الكتاب امه قالت له شف حد ابن غني ابن واحد من الاغنياء اللي بيجيب لي الشيخ في الكتاب حاجات كتير. واقعد جنبه بيجي الشيخ يحفظه القطة 00:08:28 ايه ؟ التحفيف من الشيخ. ببدأ الامام الشافعي يعمل القصة دي. الشيخ راميه خالص وما بيبصلوش خالص. ولا مهتم به وهو قاعد جنب الایه ؟ جنب الناس اللي الشيخ مهمتهم بهم يسمع ويلقط. مرة الشيخ غاب مين اللي يحفظ الاطفال ويعلمهم ؟ بدأ الامام الشافعي وهو طفله هو اللي يحفظ الاطفال 00:08:48

ويعلمهم الشيخ رجع كان يتجنن. ده انا عايز حد يساعدني ومش لافي. قال له بص انا تمسك مكاني لما اغيب مقابل ان انا احفذك بقى القرآن وهو عنده سبع سنين يختم المصحف. خلاص بقى انزل اشتغل زمان كان ده سن خلاص بقى ايه ينزل يشتغل بقى ايه اهله بقى يودوه يسروحوه اي تسرية يجيب فلوس 00:09:08

امه ترفض تقول له تحفظ السنة. قعد من سبع سنين للتلاشر سنة يحفظ لحد ما حفظ كل كتب السنة اللي كانت موجودة في الوقت ده. وعنه تلتلاشر سنة كان حفظ كل حاجة. آآ فقيه اهل مصر اسمه الليث ابن سعد. كان في زيارة لمكة خدوه 00:09:28 مكة بقى واكرموه وقعدوا يحضروا له دروس بقى. فالامام الشافعي قعد يراقب ادليس ابن سعد وكان عنده تلتلاشر سنة. سمعه بيقول كلمة كده بيقول ان سبب اختلاف الامة كلمة الليث ابن سعد انت ما تعرفش. انت ممكن تقول كلمة بيتهيا لك ان هي مش مهمة. تصنع امام. الكلمة دي صنعة الامام الشافعي. واللي قايس ابن سعد مش 00:09:45

هو بيقول كلمة كده بيقولها لحد من الناس بيقول له سبب اختلاف الامة هو ضعف علم الناس باللغة. ان اللغة عادت ضعيفة الامام الشافعي اتصارعات جواه قضية اختلاف امة بيقى انا عايز اوحد الامة. طب ودولوتي عدم في علم الناس باللغة طبعا رجع لامه المرأة البطلة الست اللي بسبع تلاف راجل - 00:10:05

ام الامام الشافعي اصلا مرة آآ القاضي كانت هتشهد في قضية. فكان اتنين ستات ما فيش شهود غير اتنين ستات. فالقاضي قال دي في اوضة ودي في اوضة عشان يسمع شهادة من كل واحدة ما فيش واحدة منهم ايه تأسر على الثانية. فقالت له لا لا. فقد قال الله فتذكر احداهمما الاخت - 00:10:25

قالت له شرع ربنا ان احنا الاتنين نبقى جنب بعض. فكانت ست عزيمة. وبعد ما مات جوزها صممت انها ما تتتجوزش. وتفرغ عمرها للطفل الصغير اللي ربنا رزقه لها اللي هو - 00:10:45

محمد ابن ادريس الشافعي انها تفرغ عمرها لان ابنها ده بيقى راجل من رجال الدين ربنا يعني ينفع به نفع كبير في الامة. سمع راح لامه قالت له خلاص ما فيش غير قابته زيل. امه بدل ما تقول له تعال بقى في حضن ماما يا حبيبي. تعال يا ضنايا رماته اربع سنين 00:10:55

كان في الصحراء ينام في الخيم في قبيلة هزيل وقالت له يابني ان الامر اعز. اعز من انك انت تقدر جمبني وتونسني وانا عايشة لوحدي. رح اتعلم اللغة. رجع بعد اربع سنين مع عشر تلاف بيت شعر. عشر تلاف بيت شعر. الامام الشافعي كان من اعلم الامة في اللغة. لدرجة ان شيخ هارون - 00:11:15

الرشيد الشيخ المربى بتاع هارون الرشيد الخليفة في زمان الامام الشافعى. الاصمعي الشیخ هارون الرشید. كان تلمیز من تلامیز الشافعی في اللغة. تلمیز ابن هشام صاحب السیرة المشهور. بيقول جلسات الشافعی عشر سنین فما اخطأ في کلمة -

00:11:35

في النحو مرة. ما فيش مرة غلط في کلمة في النحو. ما فيش مرة كان عالم رجع معه عشر تلاف بيت شعر. رجع عالم في الشعر. ایامها طبعاً كانت الامة رهيبة يا جماعة - 00:11:55

ایامها الخلافة العباسية كان هارون الرشيد يقف کده ويكلم السحابة يقول لها يا ايتها السحابة امطري حيث شئت مطري في الحجاز مطري في الهند مطري في الصين مطري في امريكا فان خراجك بازن الله سيصل الي. ده انا بح - 00:12:05
تلت تربع الكرة الارضية. هارون الرشيد بيقول للصحابة کده. بيقول لها انا باحکم تلات اربع الكرة الارضية. مطري زي ما انت عايزه زکاة الزرع اللي هتطلع بسبب مطرک هتیجي لي في خزانة الخلافة الاسلامية - 00:12:25

في الوقت ده جيل الشباب بقى جيل الشباب بقى اللي اقام الدين مع النبي عليه الصلاة والسلام. بقى شباب الامة متصرف. عايزين يلعبوا بلاي ستيشن. عايزين يلعبوا جيمز وعايزين - 00:12:42

يقدعوا على الموبايل يشيتھ وعايزين يكلموا بنات وعايزين الدنيا كانت بهدت اوی يا جماعة. شباب الامة في الوقت ده كانوا بهدوا اوی. ووقتها كان بدأ يطلع الشعر الاباحي. يعني اوی؟ عارفين - 00:12:52

زي الواقع اللي بايزة کده الوقتي بدأ شعراً الدولة العباسية يكتبوا الشعر الشعراً الفاجر. فبدأ يحصل مشكلة ما بين رجال الدين والشعراً فيبدأ رجال الدين يفتوا فتاوى وحشة جداً في فالشعراء بقى ايه عايشين في الدور زي بتوع مهرجانات السينما الوقتي ايه يقول لك ايه الفن وما ماشي ما هو الفن ما هو الدين بيقول - 00:13:02

بس هو ده فن؟ هو اللي انت بتعمليه ده فن فالامام الشافعى طلع في وقت رهيب مدرسة ابو حنيفة ومدرسة الامام مالك مدرسة الرأى ومدرسة الحديث الاتنين كان بينهم حرب رهيبة ليس بين الامام مالك والامام ابو حنيفة ولكن بين تلامذتهم. حرب الامة متقطعة. الصراع بين السنة والشيعة رهيب - 00:13:22

الامة دخل فيها كل الاجناس. النساء بدأت تبعد عن الدين. فالامام الشافعى طالع في فترة عصيبة. رهيبة الامام الشافعى يأمه قعدت تزرع فيه ليه مش انت اللي تصلح الدنيا دي؟ ليه الام لما بتزرع بقى ما يرضتش تتجوز ونزررت عمرها لابنها - 00:13:42
رغم ان هي شابة وصغيرة ام الامام الشافعى كانت صغيرة. ما ماتتش غير وهو عنده خمسين سنة وهو داخل اول ما دخل مصر. لما جه مصر قبل ما يموت باربع سنين امه ماتت - 00:14:02

فتخييل امه قعدت وراه ستة واربعين سنة في طلب العلم. ستة واربعين سنة في طلب العلم وتعليم الناس لحد ما هزه المرأة يعني فعلاً يعني انا بحس کده ان هي هي البطل اصلاً اللي في القصة. رحمها الله. المقصد الامام الشافعى رجع وعنه تمنتاشر سنة من هذيل - 00:14:12

معه عشر تلاف بيت شعر يعني مش معه علوم الدين بس. استاز في اللغة متعلم رياضة الرمي. حد منكم بيروح جيم يا شباب حد بيروح جيم لأنك مكسوف من ايه الشيخ نادر اهو بيروح جيم انا والله لسه دافع مبلغ في الجيم بس - 00:14:32
رحت تلات مرات وما كملتش الشهير ده. ما حدش بيروح جيم. ما حدش فيكم بيلعب رياضة؟ لأن مش كورة. مش بيلعب كورة. بيلعب رياضة يا مسعد الكورة كل الناس تلعب كورة. حد فيكم بيمارس رياضة؟ اي رياضة حد فيكم بيكتب شعر؟ ايه يا عم في ايه؟ انتم انتم انا دخلت سكة - 00:14:53

غلط ولا ايه يا رجالة لأنك بتكلم بجد الامام الشافعى بجانب علم القرآن والسنة راح اتعلم الشعر وراح اتعلم الاحتراف في صدم من الرياضات واتعلم علم الانساب. بقى عارف انساب المجتمع. وانساب النساء بالزلات. فلما كان بيجي بيتكلم مسلاً في الدين يقول ومسلاً - 00:15:13

العائلة الفلانية يقوم الناس بقى اللي هم الاغنياء بقى المليونرات بقى والناس اللي هم من العيلة دي. يا نهار ابيض! هو احنا في الجامع

00:15:33 جه سيرتنا! هو احنا على القنوات الفضائية -

الاسلامية بيتكلموا عنا وعارفين قيمتنا. ده الدين ده طلع جميل يا اخي. يقوم عليه المجتمع يعملا ايه؟ يقوموا بيجوا يسمعوا دروس الدين بدأ يلعب رياضة يقوم الشباب بيص مين الشیخ الرویش طحن اخر حاجة ده! ايه ده! ده شیخ جبار يا جدع! ده بيلاعب رياضة وبيجري - 00:15:43

فزيع الله! طب ما تيجي نحضر له درسه بقى. اوجد قاسم مشترك ما بينه وبين المجتمع. في علم الانساب. قاسم مشترك ما بينه وبين الشباب تعلم الرياضة. قاسم مشترك ما بينه وبين شعراء الدولة العباسية اللي كانوا ملأوا الدنيا فجور. زي الوقت الافلام الاباحية كده والعياز بالله. قاسم مشترك بان هو - 00:16:03

فاهم اللي بيروحوا له عشان يتعلموا منه الشعر. ويتعلموا منه الفن. مش كان بيعلم القرآن والسنة بس. انسان غير امة. انسان سامع ربنا الهمه ازاي يغير امه انت بتعمل ايه؟ ده احنا اللي بيقعد في دراسته منكم يذاكر شوية يقول لك خلاص انا ما عدتش فاضي اعمل حاجة في حياتي. يا ابني - 00:16:23

انت تقدر تعمل حاجات كتير جدا. انت تقدر تنجح. احنا اللي طالعين في زمن بيعلمنا فيه الفشل. وبيعلمنا فيه ان انت ما تقدرش. انت تقدر كل ده الامام الشافعي كان عنده كم سنة؟ تمنتasher سنة. رجع من هزائل شيوخ الحرم قالوا له بص بقى انت دلوقتي عندك تمنتasher سنة بس امام. اقعد افتني في - 00:16:43

الحرم المكي معنا. لو انت اتعرض عليك العرض ده وانت عندك تمنتasher سنة تعمل ايه؟ تبقى من شيوخ الحرم تعمل ايه؟ رجع لامه بيقولوا لي في الحرم قالت له لا يمكن. ده على جستي تفتني في مين؟ انت خدت علم الامام مالك؟ قال لها لأن. قالت له خدت علم ابي حنيفة؟ قال لها لأن. قالت له - 00:17:03

السافر الاول للامام مالك وابو حنيفة. سافر تيسير له السفر امه رهنت البيت اللي حيلتها. وجاب الموطأ بتابع الامام مالك وحفظه في خمستasher وقام طالع على المدينة المنورة للامام مالك وقعد قلب الدنيا لحد ما الامام مالك رضي يقبله تلميذ عنده. قعد تسع سنين عند الامام - 00:17:23

من عشرين سنة لتسعة وعشرين سنة تلميذ عند الامام مالك لحد ما اتعلم كل فقهه وعلم الامام مالك وعنه تسعه وعشرين سنة امام مالك بقى فرحان بانجب تلميذ عنده انجب تلميذ قال له انا عايز اروح اطلب علم الامام ابو حنيفة. ايه؟ طبعا الصراع ما بين المدرسة المالكية والمدرسة - 00:17:43

حد فاهم في الوقت ده كانت نار الامام مالك والامام ابو حنيفة علاقتهم قوية جدا. الامام ابو حنيفة كان مات في الوقت ده شفاه كان هيروح لمحمد ابن الحسن لتلامذة ابو حنيفة بقى ياخد الفقهاء - 00:18:03

الحنفي فالصراع كالناري ما بين بتوع تلامذة الامام مالك بيقولوا على تلامذة الامام ابو حنيفة دول شوية ناس ماشيين في الدين بدماغهم وشوية ناس قاعدين اوعوا كلام بدون دليل وبيصححوا الاحاديس الضعيفة. بدعاء الامام ابو حنيفة تلامذته بيقولوا على تلامذة الامام مالك. دول شوية ناس ما بيفهموش غير زاهر النص - 00:18:13

وما لهمش اي علاقة بقياس النصوص وفهم النصوص وعمق النصوص. يا عم ده ناس ما عندها ما فتخيل بقى راح للامام مالك يقول لها مش هاقدر جنبه امال رايح فين؟ رايح اتعلم فقه المدرسة الثانية. اللي بينها وبين مدرستك بعض الخلافات الكبيرة. يعني ايه؟ عند نزر الناس. قال له طيب ماشي - 00:18:33

الامام مالك وافق. قال له بس انا معبيش فلوس اروح. مين اللي مول رحلة الامام الشافعي عشان يتعلم الفقه الحنفي؟ الامام مالك عشان تعرفوا الائمة دول بقوا ائمة لنفسيات نضيفة - 00:18:53

رايح ياخد الفقه الحنفي ويسيبه هو اللي ادى له الفلوس اللي يروح يتعلم بها فوق الحنفي. الامام مالك هو اللي مول رحلة الامام الشافعي لتعلم الفقه الحنفي. هو اللي اداها الفلوس. نفسيات نضيفة. دول اللي ربنا بيفتح عليهم مش الخيرة اللي بينا وبين بعض. والحد اللي بينا وبين بعض. والنفسنة - 00:19:07

اللي بینا وبين بعض والانا والتکبر والسيطرة وحب التحكم. في ايه؟ راح الامام الشافعی حيث بدأ يتعلم شویة من محمد بن الحسن.
شویة کده وقال لأ ده القصة طلعت كبيرة. كنت باحسب الفقه الحنفی هیتلم بسرعة. ده ليلة. ده عايز کزا سنة. طب - 00:19:27
اعمل ايه؟ انا ما عییش فلوس اکمل الفلوس بتاعة الامام مالک خلصت. والخمسین دینار اللي يعني كانوا معه في
الوقت ده حوالي خمسین الف جنيه او میة الف جنيه في الوقت ده - 00:19:47
خلصوا مش نافعة. طب اعمل ايه؟ هسافر الیمن اشتغل هناك. في هناك شغل حلو رجاله. مین اللي قال لك ان الدين ان يبقى شنبك
في وش وشك وانت عوضني ده مش دین ده ضلال - 00:19:57
ده ضلال ان شنبه في وشه في سانوي ولا في تالتة اعدادي ولا في اولى جامعة وبيمد ایده يا بابا هات لي المتصروف يا بابا ده عار.
عار ان ده في ده مش في دیننا. ائمة الامة کلها كانوا بیتسموا باسماء المهن. تخیل لما العالم يتسمى من اکبر - 00:20:11
علماء الامة في العقيدة الا الکائی. يعني ايه الا الکائی عارفين اللوالک؟ اللوکلک اللي بنلبسه في الرجلین اللي هو الخف اللي بینزل
رجلیه. كان بیচن آیا الامام احمد بن حنبل، یحیی بن معین کان ملیونیر. وهم - 00:20:31
في الیمن مع بعض في طلب العلم عرض على الامام احمد وكان لسة بقى ما بیقاش الامام احمد. عرض عليه ان هو يصرف عليه.
رفض كان بیعمل الاساتیک بتاعة البناطیل - 00:20:44
بابا احمد كان بیعمل اساتیک بتاعة البناطیل عشان يصرف على نفسه في طلب العلم حمزة الزيات الشیخ نادر طبعا عارفه من من
القراء العشرة. من القراء الامام حمزة اسمه حمزة الایه - 00:20:54
الزيات كان بیتاجر في الزيت. الامام الزهبي الامام الوراق. يا ابني کان اسماء الائمة فسلمان الفارسي. تعال نرجع للصحابة بقى. كما
قال سلف او كان السلف ينسبون کلامهم الى الصحابة ليعلوا اسنادهم. تعالوا نشووف سلمان الفارسي لما بقى امیر فارس. اللي سب - 00:21:07
فارس في يوم من الایام عشان ساب حته قرية عشان یجري يدور على النبي عليه الصلاة والسلام. لما لقى النبي بقى امیر بلاد فارس
کلها في يوم من الایام. من ترك شيئا - 00:21:27
عوضه الله خيرا منه. البنت اللي انت بتعلق بها المعصية اللي انت متعلق بها. لو انت سبتها عشان ربنا اللي ربنا هيده لك الام اضعافها
من المتعة في الدنيا قبل الاخرة. عمل ربنا واکسب. سلمان سببه شویة فلوس وحته قرية صغیرة. قعد يدور على النبي عليه الصلاة
والسلام - 00:21:37
رجع فارس امیر على بلاد فارس كلها. لما مسک بلاد فارس الدولة بتدي له مرتب محترم. ما رضاش. عارفين یشتغل ايه؟ یشتغل
خواص یعمل الخوچ. رفض انه یاکل من غير عمل اید. امیر المدینة مین امیر المدینة؟ مین امیر المدینة بعد موت النبي عليه الصلاة
والسلام؟ ابو هریرة کان شغال - 00:21:57
شیال شیال. امیر المدینة یجري في السوق شایف شوالین الدقيق. وسعوا وسعوا بیکسب. هو شغال شیال امیر المدینة اللي بكلمة
منه ده یتسجن وده یروح وده یطرب وده ییجي. وبيشتغل من عمل ایدیه. انا بعرف المهنہ دی! هو الشغل عیب! الانبیاء - 00:22:17
کلهم كانوا شغالین. كل الانبیاء كانوا اصحاب مال الشغل مش عیب. الامام الشافعی قرر یروح الیمن عشان یحصل فلوس یقدر یقعد
کزا یطلب علم بقى ايه مش محتاج یشتغل بعدها. یروح الیمن عشان یقدر یرجع فین؟ عشان یرجع فین؟ العراق. یتعلم الفقه الحنفی.
یروح الیمن یلاقي هناك بقى علماء - 00:22:37
الشیعه بقى كانوا کتیر هناك وكده. بیدأ بقى یفهم الفقه الشیعی ویقعد ویسمع منهم. هو کان مشغول جدا بقضیة ازای یوحد الامة.
ازای يوم ما یشتغل یوحد الامة یرد على اهل الشبهات واهل المشاکل الشرعیة. وهو شغال فکان بیفتی للناس ان فيه حاجات الدولة
العباسیة بتعملها زلم. حاکم الیمن یقرر ان - 00:22:57
في عشرة بیفتوا فتاوى سیاسیة ضد هارون الرشید یبعث لهارون الرشید یقول له ابعتهم لي. ابعتهم لي بس كل سنة وانت طیب.
زمان ابعتهم لي دي يعني ابعتهم لي يعني - 00:23:17

بعث له العشرة منهم الامام الشافعي. دول اللي بيفتوا فتاوى ضد الدولة. هارون الرشيد دبح تسعه. تسعه مع اول اسئلة طير رقبتهم. دخل الصفح العاشر الشافعي داخل طبعا يعني ايه هو فبدأ فبدأ هارون الرشيد يقول له انت الذي قلت كذا القصة كلها عندها بقى مين -

00:23:27

اللي كان قاعد جنب هارون الرشيد الشيخ الكبير اوبي اوبي بتاع هارون الرشيد محمد ابن الحسن. اللي الشافعي قبل رحلة اليمن راح له طلب على شوية وبعد كده رجع لليمن. محمد الحسن قال له يا امير المؤمنين ذلك الرجل سيكون اعلم اهل الامة. هارون الرشيد القصة طلب -

00:23:47

تماما بدل ما يموته ادي له خمسين الف دينار. عارف يعني ايه خمسين الف دينار؟ خمسين الف ملايين. يعني ملايين كده. حاجة ملايين. اول مرة كان الامام الشافعي عنده اربعة وتلاته سنون في الوقت ده. اللي ودah العراق ربنا. هو قعد يودي يحصل فلوس مش عارف يحصل. اللي ودah العراق عشان -

00:24:07

الحنفي ربنا سبحانه وتعالى خد خمسين الف دينار بعث لامه وامه كاتباه ست كبيرة بقى في الوقت ده اول مرة امه بقى تعيش في بيت ملك تاني. بعد ما راھنت البيت في طلب العلم -

00:24:27

اتجوز اول مرة مراته الوحيدة وهو عنده اربعة وتلاته سنون. اللي خلف منها ولدين. فده كان اول مرة الامام الشافعي يمسك فلوس في ايده. وببدأ قعد معهم لحد ما بقى عنده ستة وتلاته سنون يطلب الفقه الحنفي. وكده الامام الشافعي خلص. رجع على مكة. رجع على مكة. نسيت اقول لكم ان هو -

00:24:37

هو وهو رايخ اليمن رجع الاول على الامام مالك وهو عنده تسعه وعشرين سنون. فالامام مالك لما شاف العلم بتاعه وصل للدرجة دي عرض عليه عرض تاريخي. اول عرض تاريخي على الامام الشافعي كان -

00:24:57

حد فاكر اول عرض تاريخي اتعرض عليه وعنده كم سنة؟ هو عنده تمنتاشر سنة يتعرض عليه ايه؟ انه يبقى مفتري من مفتري الشيخ من شيوخ الحرم ورفض. وعنده تسعه وعشرين سنة -

00:25:07

عرض عليه عرض لا يملك انسان نفسه قدامه. امام ما لك لما لقوا علمه وصل للدرجة دي عرض عليه انه يجلس بجانبه يفتني الناس يا جماعة يعني قال له تعال انا وانت نبقي شركاء في المذهب المالكي. تعال يبقى انا وانت مؤسسين المذهب ده. تعال عرض تعدد -

00:25:18

وعشرين سنة فرفض. ما هو احنا بنتعلم من بعض بس مش بندوم في بعض. وقيمتنا ان احنا نكمل بعض. وببدأ يكمل رحلته. المهم مهندس وتلاته سنون رجع الحرم المكي. طبعا كان وصل لدرجة علمية رهيبة. اول مرة قعد يفتري قعد على الكرسي الذي لم يجلس عليه في تاريخ الاسلام -

00:25:38

عبدالله بن عباس قعد من وهو عنده ستة وتلاته سنون اللي هو عنده خمسة واربعين سنون في مكة يفتني الناس ويعلم الناس ويألف ما بين قلوب اهل مكة وما بين قلوب -

00:25:58

أهل العراق ويدوهم انطباعات جميلة بقى عن اهل العراق. ويزيل الصورة الذهنية ان بتوع العراق دول شياطين وناس مش ما بيتبuously قال الله وقال الرسول ويقعد يحبب الدنيا في بعض في التسع سنون دول قال لي في كتاب الرسالة اللي العالم كله مبهور به لحد دلوقتي. اللي وضع فيه علم اصول الفقه اللي لحد دلوقتي امة الاسلامية كلها -

00:26:08

عليه. ماشية على ازاي يتعامل مع القرآن والسنة تعامل سليم وهو عنده خمسة واربعين سنون يحس انه خلص الرسالة بتاعته في مكة يطلع تاني على العراق بس مش عشان المرة دي مش عشان يتعلم اهل العراق ويقرب النفسيه بتاعة اهل العراق مع اهل الحجاز -

00:26:28

يقدر خمس سنون ويؤدي الرسالة بتاعته ويضع الفقه الشافعي والكرة الارضية كلها تقصده من العالم كله يروحوا له العراق عشان يتعلموا على ايده الفقه الشافعي. وهو عنده خمسين سنون يقول خلاص. خلصنا العراق. لسه ايه؟ قال ما عادش غير بلدان. مصر والهند يقرر وهو عنده خمسين سنون -

00:26:48

انه يروح ينشر العلم بتاعه وينشر رسالة التألف في الامة في مصر. ويجي مصر وهو عنده خمسين سنة. بيجي مصر يفاجأ ان العالم
كله كوم ومصر دي كوم. اول ما يلاقي الفتاوي بتاعة المصريين دول ده انا لو فاتيت بالفقه الشافعي بتاعي في العراق - 00:27:08
ده انا هودي البلد دي في داهية. ده ده بلد عمري ما شفت زيه. ويقرر الامام الشافعي قرار تاريخي. يقرر
الامام الشافعي ان يترك المذهب الشافعي. يقرر الامام الشافعي ان يترك المذهب الشافعي. ويغير الفقه بتاعه كله - 00:27:28
ويغير الاف الفتاوي بتاعته ما عدا عشرين فتوى بس هي اللي فايضة. الامام الشافعي قاعد لقى واحد داخل له ايه؟ انا قلت لمراتي
علي الطلاق بالثلاثة. علي الطلاق بالثلاثة. تبقي طالق. وتبقي مش عارف ايه. والطلاق لو خرجت رحت - 00:27:48
صورة مامتك. طب وبعدين راحت زارت مامتها ورجعت وانا بقى كنت باتعصب فخالص بقى عادي بقى وبعدها مراتي حملت في
خمس عيال يا راجل ده انا الفتوى بتاعتي ان علي الطلاق بالثلاثة دي في العراق يبقى مراتك خالص هي من سكة وانت من سكة. تلات
طلقات بتوع بتوع اكراهم وانت ضيغتهم. شوية دخل واحد تاني - 00:28:08
فتوتوك مراتي قلت لها علي الطلاق بالثلاثة. ما انت طابخة النهاردة فراح وطبخة فراح. شوية دخل واحد تاني. فتوتك ايه؟ علي
الطلاق بالثلاثة لنت جاي ومتغدى عندي. ايه يا عم في ايه! هو انت عندهم علي الطلاق بالثلاثة دي! زي صباح الخير كده! فالامام
الشافعي غير الفتوى بتاعته - 00:28:28

بعد ما كانت علي الطلاق بالثلاثة يعني التلات طلقات راحوا في العراق قال لك لأ المصريين ما ينفعش معهم الكلام ده. علي الطلاق
بالثلاثة طلقة. هي والا سبات مصر كلها تبات في الشارع. فبدأ يغير الفقه بتاعه كله. ودي عقرية الناس - 00:28:48
الناجحة في الحياة. انه عنده مرونة مش دماغه دي حجر. انه بيتكيف مع الواقع. انه انسان مرن. انه انسان باحتياجات وتطورات
الحياة مش واقف مكانه. مش محلك سر. غير كل مذهب. ترك الامام الشافعي الشافعية العراقية. واوخد - 00:29:08
حاجة جديدة اللي هي الشفاه الایه؟ شفاه المصرية. عشان كده يقول لك الشافعي قال كذا في القديم وقال كذا في الایه؟ في الجديد
اربع سنين قاعد في مصر يألف ما بين قلوب - 00:29:28
العاملين لدين الله في مصر والعلماء لدرجة وهو بيموت لما جه عنده اربعة وخمسين سنة كان وصل لدرجة صحية رهيبة وبقى عنده
امراض كتير جدا فكان بيقول اقرب تلاميذه او اكبر تلاميذه بيقول له لم يبق الا الهند. انا عايز اسافر الهند. فطبعا كان خالص صحيا ما
عدش يقدر اصلا يخرج برة - 00:29:38

مصر ويموت الامام الشافعي وهو عنده اربعة وخمسين سنة. يعني بعد على فراش الموت يقول لواحد من تلاميذه اذهب الى فلان
المالكي. فلان اللي علم الكيمياء وقل له ان الشافعي يسألك في مسألة كذا. قال له يا انت بتموت! هو انت بتموت! بيتألف وبيوح
الصف - 00:29:58

هو بيموت بيحضر ومشغول بقضية التأليف ما بين المذاهب. والتأليف ما بين الامة وبعضاها. هو مشحتاج يسأله في حاجة. ده هو
بيقول له ذلك الف لقلبه. بيقول له ده ده هيخلية يحب اكتر ونقرب من بعض اكتر ونحبه. وهو بيموت. وبيموت. ومن العجائب -
00:30:18

ان الشافعي مات ليلة النصف من شعبان. ليلة النصف من شعبان اللي الشيخ الالباني صلح تلات اسانيد ان الله يطلع الى اهل الارض
فيها فيغفر لاهل الارض جميعا الا لمشرك او مشاحن. عشان كده دايما الليلة دي بنسميهها ليلة وحدة الامة. الليلة اللي دايما لو انت
سمعت بقى دروس الدعاء بقى في القنوات - 00:30:38

الاسلامية ولا يقول لك اتصل بقرايبك. صالح اللي انت مخاصمه. لو بيتك وبيك اي حد مشكلة تحرم من مغفرة ليلة النصف من شعبان.
بسبي المشكلا اوصل الناس صالح الناس وتلاقي الناس بقى قاعدة قلقة قبلها. يعني انا اتحرم من ده عندهنا في المنصورة ما اعرفش
عندهم بقى الدنيا ايه ده في المنصورة تلاقي الناس - 00:30:58
صعبه. ليه؟ لأن بفضل الله دعاء المنصورة بيتكلموا في النقطة دي كل سنة كتير. فبقى الناس عندها وعي في قضية ليلة النصف من
شعبان. الا اللي مشرك او مشاحن يبقى لازم ما ابقاش - 00:31:18

شاحن حد لازم اصفي كل خلافاتي قبل اختار الله للامام الشافعي الذي عاش حياته. يوحد صف الامة يختار له تلك الليلة هي ليلة الوحدة ليلة وحدة الامة من اجل ايه يصطفى الله سبحانه وتعالى هزه الامام الشافعي ان يموت في هزه اليه. انا بحكي لكم قصة الشافعي. كل اللي فات ده مقدمة يا رجاله - [00:31:28](#)

كل اللي فات ده احنا داخلين في الايه مقدمة بتاعة الدرس. انا بحكي لكم قصة الامام الشافعي ليه؟ باحكي لكم قصة الامام الشافعي عشان اقول لكم هل سبب نجاح الامام الشافعي بس - [00:31:48](#)

هو العلم بتاعه؟ ولا لما اتعلم وعلم شعراء وفنان الدولة العباسية؟ الاصمعي مرة بيقول الاصمعي اللي هو التلميذ الشافعي اللي بقى شيخ خروف الرشيد بيقول لي هانون الرشيد زهبت لرجل يقال له الشافعي لاتعلم منه الشعر فعلمني القرآن مع الشعر - [00:31:58](#) فعلمني ايه؟ القرآن. هو دلوقتي تخيل بقى لو اهل الدنيا بيجهوا لنا يتعلموا مننا الدنيا فنعلم لهم الدين والدنيا مع بعض فالاصمعي لما بقى شيخ هارون الرشيد علمه بس الشعر البایز بتاع العباسيين ولا علمه الدين كمان؟ فانت انت ازاي - [00:32:18](#)

تغير في الحياة. الامام الشافعي اللي اتعلم رياضة. اللي الف عشرات الكتب كان من كتاب عن الرياضة. وعن قيمة الرياضة في الدين وفي الاسلام. الامام الشافعي يا اخوانا زي ما قال في كتاب الام وكتاب الرسالة والكلام الفقهي كان بيقلب في الرياضة. الامام الشافعي رحمه الله يا اخوانا نموذج ان احنا عايزين نتغير. ان انت عشان تنجح - [00:32:38](#)

محتاج تغير حاجات كتير جواك. حاجات في شخصيتك. حاجات في نفسيتك. حاجات في قوتك. حاجات في اصرارك وسباتك. حاجات في انك تعرف انت عايزة ايه الامام الشافعي من وهو طفل كان عارف هو عايزة ايه. من وهو طفل محدد لنفسه هدف وماشي فيه. نرجع تاني للاية اللي احنا بدأنا بها لو - [00:32:58](#)

ارجو فيكم ما نزلوا. ليه احنا مش عارفين نضيف؟ مش عارفين نغير اللهم انبعاثهم فتبطّهم ليه؟ لو خرجوا فيكم ما زادكم. عشان كده لاحزوا في الايات اللي احنا سمعناها في صلاة المغرب ان معظم صفات المنافقين في الايام - [00:33:18](#) دية ما هياش صفات كفر وانما صفات في شخصيتهم وحشة يعني بداية النفاق ان كان عنده مشاكل في شخصيته اصلا. كان عنده مشاكل في كسله. عشان كده اسمعوا لو تفتكروا بقى الايات اللي الشيخ نادر قراءة - [00:33:38](#)

الركعة الاولى والركعة الثانية ها لما ربنا سبحانه وتعالى بيقول لو كان عرضا قريبا وسفرا قاصدا لا انت مأهوم. لو كان عرضا قريبا النبي عليه الصلاة والسلام لما المنافقين كانوا بيهرموا من صلاة العشاء فبيقول للصحابة لو كان عظما سمينا ومرمتين حستين - [00:33:54](#)

اذا شاهدوا العشاء معنا يعني ايه؟ يعني لو كانوا عارفين ان الدرس بتاع بين المغرب والعشاء ده فيه حته عضمة كده فيها حته دهن او فيها شوية كوارع كان كل اللي على القهاوي سابوا القهاوي وجم قعدوا في الدرس عشان الدرس. لأن عشان حته الكوارع. خدت بالك انت - [00:34:14](#)

انت بقى فالنبي بيتكلم عن دناءة همة بعض الناس. ان هو مش قادر يعلى. لو كان عرضا قريبا يعني دنيا قريبة. خد بالك ده ربنا ما قلش لو كان لو كانت لو كان عرضا ايه؟ قريبا. يعني هو بيحب الدنيا ماشي. يقدر ياخد ماجستير. ماجستير استغفر الله العظيم. يا عم تف من بقك. يقدر ياخد دكتوراه. تلاقي هو - [00:34:34](#)

ابو متقابلين على ناصية الشارع. ايه ياد انت شكلك مغيب اليومين دول! بتذاكر يالا ولا ايه! انا بذاكر! اعوز بالله! ده انا سهران على النت للفجر يا جدع ايه الخيبة دي! بقى ان انا بذاكر كلمة تخلي الشباب يتريقو على بعض دلوقتي. شوفوا احنا ربنا نزع - [00:34:54](#) العلم من قلوب الامة دي لدرجة ايه؟ بقى اللي بيشوف مصلحته يتريقو عليه. بقى اللي بيخرج يستغل في سانوي انت ابوك فقير ولا ايه يالا؟ هو انت عيب يا لا! عيب! ده شرف! النبي عليه الصلاة والسلام بدأ يستغل من وهو طفل. عليه الصلاة والسلام! ده شرف! ده ديننا! انك تشتل - [00:35:14](#)

تعرف مصلحتك وتنجح في الدنيا وتنجح في الدين. وتنجح بدرى انك انت ده دين يا اخواننا. الانسان الناجح ناجح الله يرحمه محمد العدل صاحبى بقى الله يرحمه مستشار محمد العدل كان اقرب صديق لي كنا دايما نجري في الدعوة الى الله في كل حته في مصر.

دعاة الى الله ونشر الدعوة الى الله. الله يرحم - 00:35:34

ومات فجأة وهو شاب يعني مات فجأة آآآ كان له كلمة حلوة اويء. كان يقول اللي بيفهم بيفهم في كل حاجة. واللي ما ما بيفهمش ما بيفهمش في اي حاجة. فالنجاح ناجح ناجح دنيا ودين. واللي عنده مشاكل عنده مشاكل دنيا - 00:35:54

هو النجاح باكيدج واحدة. حاجة واحدة. النجاح حزمة واحدة. ليه ما تباقاش الحاج عرضًا قريباً ما عندوش علو همة حتى في الدنيا. تحضر اعوذ بالله مش غيرك عارف يعملها؟ ليه ما انتاش عارف تعملها ليه؟ ليه ما انتاش عارف تتفوق في دراستك؟ ليه ما انتاش عارف تبقى انسان ناجح؟ ليه ما انتاش عارف انت عارف ان انت جواك عيوب - 00:36:14

بتموت جواك وانت عارف ان انت جواك مشاكل. ليه مش بتواجه المشاكل اللي جواك؟ ليه مش عايز تصلح نفسك؟ ليه مش عايز تغير حياتك؟ ليه مش مش عايز تبقى انسان بجد لك قيمة في الدنيا وفي الدين. لو كان عرضًا قريباً وسفرًا وسفرًا سفرًا قاصداً برضه في الدين ممكن مستعد بس برضه حاجة سهلة - 00:36:36

ما عندوش علو وهمة. تيجي تقول له بيا نحفز القرآن ايه! بيا نطلب علم ايه! ايه يا عم في ايه! هو انت ما تعرفش تعمل غير الحاجات البسيطة وخلاص! هو انت ما عندكش طول نفس في حاجة - 00:36:56

لا اتبعك ولكن بعدت عليهم الشقة الشقة هي الامور التي فيها مشقة. اي حاجة صعبة لأ. خط احمر. انا ما بشتغلش غير في خلاص خليك كده. ومن بيتهيب صعود الجبال يعش ابد الدهر. بين الحفر. خليك وسط الديدان بقى. خليك عايش ولا حد داري بحياتك. ولا حد داري بموتك - 00:37:06

ليه ما نطلعش؟ فشووفوا ربنا سبحانه وتعالى يقول لا يستأذنك الذين يؤمنون. في الآيات اللي سمعناها لا يستأذنك الذين ايه؟ المؤمن مش في بتاع اعزاز. المؤمن مش خلعنجي من الآخر كده. المؤمن مش بتاع خلع لا يستأذنك. المؤمن ما بيأخذش اجازة مرضية - 00:37:26

ولا اجازة تحسين دخل ولا اجازة شهر عسل. ايه يا عم بس بالراحة علينا. حنطة رضي الله عنه وارضاه. كانت دخلته ليلة غزوة احد عريس لسة عريس لج. عريس طازة. الصبحية بتاعته بدل ما يأكل حلة الاتفاق خرج مع النبي عليه الصلاة والسلام بيقاتل في احد استشهد - 00:37:46

ما قالش للنبي انا لسة عريس جديد بقى يا رسول الله واجازة شهر العسل بتاعي ان انا انصر دين ربنا وانا بتجوز ايه المشكلة؟ ما كانش سيدنا علي بن ابي طالب في غزوة خيبر كان مريض عينيه مريضة لدرجة ان هو كان نائم في الارض. تخيل بقى زمان مش زي الوقتي. قطرات ومرادفات حيوية. عنيل - 00:38:06

ذهبت وكان مهدد بالعمل لدرجة انه نائم بارك في الارض. النبي عليه الصلاة والسلام خرج في غزوة خيبر يقاتل اليهود. فقال في صحيح البخاري انا اتفعل خلفه عن رسول الله لا يمكن. انا النبي عليه الصلاة والسلام يبقى بيجهد وانا نائم هنا شالوه شالوه اربعة كده شالوه في الطريق - 00:38:26

عشان يروح مش يقاتل مع النبي عليه الصلاة والسلام في خير. يبقى جسدة بس قاعد كده ما يباقاش غاب عن النبي عليه الصلاة والسلام في خيبر. متخيل! اجاز مرض يا علي بن ابي طالب ده عادي يعني في - 00:38:46

الحكومية اتنين وعشرين يوم مش عارف مرضي في السنة واربعين يوم عارضة وتلاتين يوم والله ما انا عارف او مال هيشتغل امتنى. يعني تيجي تشووف عدد الاجازات غير الاجازات الرسمية وغير الاجازات اللي مش عارف ايه غير انك انت بقى لو بلغت انك انت مريض. وبعد كده رحت الكومسيون الامام ابن خلدون عارفين ابن خلدون؟ عارفينه - 00:38:56

عمل كتاب مهم كده حد يعرف يقول لي اسمه مقدمة طب المقدمة دي مقدمة ايه؟ مقدمة كتاب. اللي هيعرف يقول لي اسم الكتاب له خمسة جنبه الموطأ مين يا شيخ؟ مطاً ده بتاع الامام مالك وابن ابي زئب اللي هيعرف يقول لي اسم الكتاب اللي المقدمة بتاعته مشهورة - 00:39:16

ابن خلدون كان لينين عارفين لينين الكافر بتاع روسيا حاكم الاتحاد السوفيتي ايام الشيوعية. كان يقول اما خرج من هزه الامة رجل

مسلسل ابن خلدون ما فيش حد عرف يخرج من الناس دي تاني زي ابن خلدون. ابن خلدون ده عند الغرب اسطورة. ابن خلدون ده كان فقيه من علماء الامة. ابن - 00:39:36

خلدون ده فضل القاضي الشعري بتاع مصر خمسة وعشرين سنة. كان فقيه مالكي. احنا مش عارفين تارixinنا يا جماعة. ما انا بقول لكم مين الناجح اهو راجل اهو مؤسس علم الاجتماع اللي الغرب خد منه علم الاجتماع. وفقيه مالكي وكان فقيه مصر خمسة وعشرين سنة. يعني هو الدين فيه تعارض بينه وبين الدنيا - 00:39:56

الناجح ناجح في كله. واللي عايز بقى يجري من القهوة اللي يكلم بنت يشات مع بنت على على الفيس ليروح يشيت ولا يهق على الواتس ويروح صحبة اللي عايز يعيش الحياة دي هو حر. بس هتموت وانت ما عملتش اي حاجة في حياتك. في حين ان انت استمتعت زي ما انت عايز بس جوة دينك. تنجح - 00:40:16

افتتح دنيا وتنجح دين. النبي عليه الصلوة والسلام يقول احرص على ما ينفعك. ابن خلدون كان له آآكلمة جميلة جدا جدا جدا في المقدمة بتاعتته. هو طبعا ما حدش قال - 00:40:36

اسم الكتاب اهو اسم الكتاب تلات تسطر كده. لأ مدينة فضيلة مين يا شيخ بس؟ اقول لي اسمه. قل لي اسمه ما شاء الله اللهم بارك انت جدع ومفروض تاخد خمسين جنيه من الخمسمية. هو قال العبر. ها؟ في ديوان - 00:40:46

وديوان المبتدأ والخبر. في تاريخ العرب والعجم والبربر. ها؟ كمل شف العبر دي كم حرف يا شيخ من الكتاب بتاعه عنوانه فالمقدمة بتاع ابن خلدون مقدمة دي حاجة كده كارسة كده في - 00:41:06

في الامم بتقوم ليه؟ والامم بتقع ليه؟ لو عايز تعرف مشاكل مصر سبها ايه؟ اقرا مقدمة ابن خلدون. لو عايز تعرف مشاكل الامة العربية سبها ايه؟ اقرا القرآن. لو عايز تعرف امريكا تقدم - 00:41:26

قامت ليه اقرا مقدمة ابن خلدون. دي اللي بتقول لك ليه في مجتمعات بتنجح ومجتمعات بتفشل؟ فابن خلدون كان بيقول كلمة خطيرة جدا. بيقول لك نجاح وسروة كل دولة او كل بلد على قدر الرجال الذين يحبون العمل فيها. احنا عندنا في مصر هنا يدخل يمضي الساعة آآتسعة - 00:41:36

قاعد يشرب الشاي ساعة ويفطر ساعتين ويتكلم في التليفون تلات ساعات وبعد كده يخلع يقول لك انا رايج اصلي الضهر يقعد يصلي الضهر ساعة ونص ولما يرجع الناس يقول له حرام عليك مصالحنا حرام عليكم بلاش نفطر. احنا طالع روحنا طول اليوم وبعد كده يمضي قبل الامضاء بساعة ولا ايام الانصراف ويقوم ماشي. هو ده ده - 00:41:56

ده في بلد تقدم بالمنزد ده؟ قال لك نجاح كل بلد على قدر الرجال الذين فيها الذين يحبون العمل. مين اللي بيحبوا انهم يستغلوا؟ كم طالب في الجامعة نفسه يزاكر. كم واحد في الدنيا عايز يستغل؟ هو ده قيمة النجاح. فابن خلدون كان آآيعني له هزه الكلمة. آآ كما بنقول الكلام - 00:42:16

بمناسبة ايه بقى؟ ها؟ مين اللي مركز؟ ايه اللي دخلني في ابن خلدون؟ ايه اللي دخلني في العبر وديوان المبتدأ خبر في تاريخ العرب والعجم والبربر. ها لما كنا بنتكلم عن لا يستأذنك الذين يؤمنون - 00:42:36

وان هو الصحابة ما كانواش بياخدوا اجازة مرضي زي علي بن ابي طالب في خيبر. ولا اجازة شهر عسل زي سيدنا حنظلة يوم احد. ولا اجازة تحسين ده الصحابة كانوا - 00:42:56

مشغلين للدين وهم شغالين للدنيا. فربنا بيقول انما يستأذنك الذين لا يؤمنون بالله واليوم الآخر. هم دول الخلعنجهية. آآتيجي معي درس والله اصل انا اصل انا عندي مذاكرة. تقابل شاب في الشارع. تيجي نصلي العشاء في الجامع. آآاصل انا في سانوية عامة - 00:43:06

اخلع وخلاص. اغلق في حين ان هو لو آآا اتصل به الاخ توتوا قال له ده فيه ماتش كورة! كورة! الله اكبر! سيب كل حاجة واجري! ويا سلام لو مش الاخ توتوا. انت فين؟ انا في المريخ. نص ساعة وابقى في المريخ. هو احنا - 00:43:26

هو انا انما عم الحاج جه وقفه في الشارع يا ابني تعال صل في الجامع. والله يا حاج اصل انا اصل انا ده انا عندي سبعين مشكلة. انما

والله ان شاء الله اوعدك باذن الله سبحانه وتعالى اني يوم ما ساصلني في بيت الله سبحانه وتعالى. فمشكلة يا اخواننا لا يستأذنك الذين يؤمّنون بالله واليوم الآخر. ما بيخلعنوش من الدين - 00:43:46

ما بيهربوش من ربنا. ان يجاهدوا باموالهم انما يستأذنك الذين لا يؤمّنون بالله واليوم الآخر تابت ان يجاهدوا باموالهم وانفسهم وارتابت قلوبهم فهم في ربهم يتربدون. وارتباك شاكل هو مش مصدق - 00:44:06

هو من جوة عنده شكوك. شكوك بقى ان ربنا يهديه. شكوك بقى في في دينه طب ما تقرب عشان تعرف. بتقرب عشان توقن. فهم في قريهم ايه يتربدون ربنا وصف المنافقين انهم ناس متربدة. انهم ناس ما بتعرفش تاخذ قرار. ناس بتقدم رجل وبتأخر رجل. ناس يوم حلو ويوم - 00:44:26

ناس مزبزبة. ناس ما بتعرفش تاخذ قرار حاسم في دنيا ولا في دين. هم عايشينها كده وخلاص. فهم في ربهم يتربدون. او عى تبقى انسان متربد. او عى تبقى انسان ما انتاش عارف طريقك. او عى الصفات اللي انا قلتها دي كفر. معزمه صفات - 00:44:46

ان هو شخصيته وحشة. ان هو انسان عايز يعيش في صورة مزيفة. عايز الناس كلها تحبه ويتقاول لها ان هو الواد الكل الواد التنين الواد الآخر حاجة. الواد ما حصلش ومش عايز يتبع عشان بقى ناجح. فاضطر ان هو يستعمل دهن الهوا دوكو والفالهوة عشان ينجح مش عشان ينجح عشان - 00:45:06

يحافظ على الصورة المزيفة. عشان كده اخر آية كانت بتقرأ او الاية اللي بعدها على طول. ومنهم من يقول اذن لي. ولا تفتنني ايه قصة اذن لي ولا تفتنني؟ النبي عليه الصلاة والسلام طالع يقاتل الروم في تبوك. والامبراطورية الرومانية العالمية بتحشد ضد الاسلام ولازم نطلع. فالنبي جاب واحد كده من رجاله المنافقين - 00:45:26

فين المالطي مليونيرات اسمه الجد ابن قيس. قال له يا جد هل لك في قتالبني الاصفر؟ ايه رأيك بقى الطلعة الجاية جامدة اوبي. ده احنا مش طالعين نفتح مكة - 00:45:46

طالعين على مستوطنات اليهود في خيبر. ده احنا طالعين للامبراطورية الرومانية. فهو الثاني عايز يخلع! يا نهار اسود! اه والله ده حاجة جميلة قوي يا بس يعني اخلع ازاي بقى؟ فقال له يا يا رسول الله انك تعلم مدى حبى للنساء. انت عارف ان انا ما اقدرش امسك نفسي قبل - 00:45:56

فتنة النساء حب الستات قد ايه واني اخشى شف بقى كلكم هتعيطوا دلوقتي ان الايمان بتاع الجد ابن قيس. كلكم هتتأسروا جدا بالخشوع والتقوى بتاعته واني اخشى ان رأيت نساءبني الاصفر يا اخي ده ستات الروم بقى العينين صفراء والشعر الاخضر والبداية - 00:46:16

اللهم يعني ده الستات الروم ما انا ما اقدرش واني اخشى ان رأيت نساءبني الاصفر ان افتن في ديني. يا ولا! يا سلام الخشوع يا جدع. ده بص بقى كم ده ودي! حاجة هو هو نصاب - 00:46:36

هو عايز يحط صورة مزيفة حوالين ان هو بطل وشجاع ومتدين ومؤمن. وجت بقى قدامه زنقة. طب يلا اطلع جاحد بقى عموم الشجاع ورينا نفسك يقوم عشان يحافظ على الصورة المزيفة يقوم ضارب الدين بالدين. اذن لي ان انا اسيب الجهاد - 00:46:56

ايه ولا تفتنني اصل انا خايف على ديني. هو انت ما بتصليش الفجر في الجامع ليه؟ هو انت ما بتحفظش قرآن ليه؟ هو انت ما بتحضرش الدروس اللي في المسجد ليه؟ معقوله يقول اصل انا يعني الدنيا شغلاني لا لا لازم يجيب حاجة شيك. لازم يجيب حاجة شكلها حلو. في حين لو جه اي دنيا طلبته - 00:47:16

يجري عليها. فهو ده اذن لي ولا تفتنني الا في الفتنة سقطوا انهيار وان جهنم لمحيطة بالكافرين الانسان اللي بيخلع من ربنا ده ده عند ربنا ايه؟ وان يا رب انت بتتكلم عن جهنم هنا ليه؟ ده واحد مش طالع بس غزوه - 00:47:37

ان بينه وبينها شعرة الانسان كسلات المنافق الخلعنجي ده بينه وبين انه يودي دينته واخرته في داهية شرف. النبي الرسول عليه الصلاة والسلام كان قاعد في درس زي الدروس دي كده قاعد في المسجد في الحرم المدني نسأل الله ان ييسر لنا سبيلا الى مكة والمدينة يا رب. اللهم امين يا رب. فضلي - 00:47:57

وكرمه. فالنبي عليه الصلاة والسلام قاعد بيدي الدرس فجه ثلاثة. ثلاثة جايين يحضروا الدرس بناءً بعد العصر كده. فالثلاثة بصوا
كده. فواحد بص كده لقى الدنيا زحمة. زحمة بس انا ما قدرش ما اسمعش للنبي عليه الصلاة والسلام. قعد يتزخرق واعمل لحد ما لقى
حثة قريبة من النبي وقام قاعد. ها الثاني بص كده - 00:48:17

انا مكسوف يا عم انت جاي متاخر وكمان هتنزق الناس! قام قاعد ورا. الثالث بص كده الدنيا حر. والنبي موجود كل يوم عليه الصلاة
والسلام. يا هو اللي هيتنزل النهاردة يتقال بكرة. عارف اما تيجي تقول لواحد صاحبك ولا حد من اخواتك ده فيه درس في الجامع
يعني هيقولوا ايه؟ ما احنا عارفين كل حاجة. انت تعال يا عم اما اقول لك انا - 00:48:37

الكلام اللي هو هيقوله لك في الجامع وانا مشغول وقام ماشي. النبي عليه الصلاة والسلام لقط الموقف فورا. ما ضيعهاش قال
للسحابة الا انبئكم بخبر السلاسة؟ النبي قاعد مراقب. يعني المفروض اللي بيدي الدرس يبقى مش بيدي الدرس وهو مشغول بس ان
هو يقول الكلام. يبقى - 00:48:57

المراقب اللي قاعدين ورا عند السلم يبقى قاعد مراقب اللي قاعدين في النص كده وبيغمزوا بعض يبقى قاعد مراقب الرجال اللي
فوق يعني ايه ان اللي بيدي الدرس يبقى مراقب الناس ويشوف بقى مين بيعمل حاجة حلوة مين بيعمل حاجة وحشة بيبدأ يايه ياخد
باله من الناس فالنبي عليه الصلاة والسلام لقطهم الا انبئكم بخبر الثلاثة اما - 00:49:17

اللي هو وجه وقعد في النص شف الكلام النبي عليه الصلاة والسلام قال كلام لا يتخييل انسان. ان ده انتقال في حضور درس في مسجد.
ان الحديث ده في في اللي بيحضره الدروس واللي مش راضيين يحضروا الدروس. اصل انا مشغول. اصل انا والله اذن لي ولا -
00:49:37

مني اصل انا عندي سبع تلاف مشكلة شاغلاني يا راجل! والشهرة الحلوة ما فيش مشاكل شاغلاك عنها ليه؟ واصحابك لما بيسفروا لك
من تحت يلا يا عم طالعة تطلع فورا ليه؟ وماتش الكورة ما فيش مشاكل معه ليه؟ وال ساعتين اللي بتقعدهم كل يوم قدام الواتس
وال ساعتين اللي قدام الفيس. وال ساعتين اللي على هشتاجات وعلى السوشيال ميديا - 00:49:57

لقيت واسمعني ربنا اللي ما لوش وقت؟ اشمعنى ربنا اللي انت مش لاقى وقت تسمع؟ قال الله وقال رسول الله هتقابل الرسول عليه
الصلاه والسلام سمع الحوض باي وش. يقول لك ده انت كنت بتدي وقت لكل حد الا قال رسول الله. عليه الصلاة والسلام. المقصد الا
انبئكم - 00:50:17

بخبر الثلاثة. اما الاول اللي جه وقعد في النص. فاوى الى الله فاواه الله. اواه الله. عارف يعني ايه ربنا يأويك انت خلاص بقى في
في كنف الله يا شيخ. الف مبروك. ربنا هياويك في الدين وفي الدنيا خلاص انت دخلت في ولاية ربنا - 00:50:37

عشان حضور الدروس! اه انت فاكر حضور الدروس ده ولا ايه! حضور الدروس ده اول حاجة النبي عليه الصلاة والسلام بايع عليها
الانصار. لما راحوا له بيعاشه الرجال بيعة العقبة. مكان بيعة العقبة ده عند الجمرة الكبرى حد حج منكم قبل كده - 00:51:05
يعني لا حد بيلاعب جيم ولا حد بيقول شعر ولا حد حج لأ. اللهم يسر لنا كل خير يا رب. اللهم انا نسألك فمن الخير كله. عاجله واجله.
ما علمنا منه وما لم نعلم. ونعود بك من الشر كله عاجله واجله. ما علمنا منه وما - 00:51:22

آآ نخلص الحديث بقى ان شاء الله ونقوم نصلی العشاء باذن الله. اما الاول فاوى الى الله فاواه الله. ده اللي حضر الدرس وقعد كمان
بقي قدام ومتخيل واما الساني اللي عمل ايه - 00:51:42

اللي قعد برضه بس ورا. فاستحيا فاستحيا الله منه. يعني ايه استحيا الله منه ان الله حبي كريم كما قال النبي صلی الله عليه وسلم
يستحی اذا رفع اليه احدكم يده ان يردهما ايه؟ صفرا غائبین. يبقى - 00:51:56

استحيا الله منه معناها ايه؟ بقى مستجاب الدعاء. ده ده اللي سند على العمود وقعد ورا. امال اللي قاعد قدام
ومركز بقى. ده اقل حاجة لي بيحضر درس ان ربنا يستجيب دعاؤه. واما السادس الخلع بقى. الخلعة الجية بقى - 00:52:16
واما السادس فاعرض فاعرض الله عنه. فاعرض اعرض فين يا رب ده انا ده انا بس مشغول ده انا فاعرض. مشغول كل يوم؟ مشغول
كل درس؟ فاعرض الله عنه. تخيل - 00:52:36

اذا اعرض الله عن عبد الخير هيجي له منين؟ هيجي له منين بعد كده خير؟ كل ده عشان حضور دروس؟ عشان كده اخواني واحبابي في الله ان شاء الله بازن الله الواحد ممكن - 00:52:56

يحيى لكم مرة تانية. بس نعمل لكم مسابقات بجد بقى يا عم احنا قعدنا نقول خمسهيت جنبيه والراجل قال كلمة. واما اجاوب محمد جاوب ما كناش قلنا قبلها جايزة ولله الحمد يعني ده مسالك من فضل الله علينا. فاحنا آآ بيتهيألي صعب الاسئلة اه متھيألي هتاختد بس وقت احنا - 00:53:06

اتآخرنا شوية. آآ ان شاء الله بازن الله مرة تانية نبقى جايدين لكم شوية جوايز حلوة كده ان شاء الله بازن الله. وآآ انا سامع ان الشيخ علي قاسم جاي يوم الجمعة. ان شاء الله. مزيوط - 00:53:26

اه بازن الله سبحانه وتعالى يعني احرصوا على حضور دروس العلم يا اخواني احرصوا على حضور اه الخطب الحلوة الدروس الایمانية آآ احرصوا على هذه المجالس يا جماعة تفرق معكم جدا في دينكم. النجاح هنا زي ما ربنا بيقول الاخت اللي بتقول السؤال الوحيد بقى ازاي اوفق بين الكلية واني اكون - 00:53:36

ازاي ابدأ اكون داعية؟ ابدأ منين؟ هو مش مجالي هنا ان انا اقول لك تبدأي منين؟ يعني انت يعني يعني لان السؤال ده مش اجابته هنا انما ينفع ابقى شغال في الدعوة الى الله وابقى ناجح في كلتي؟ قال تعالى واوتيانا العلم من قبلها وكتنا مسلمين. العلم هنا - 00:53:56

لما سيدنا سليمان جاب العرش بتاعها قبل ما هي تيجي. والصرح الممرض من قورين علوم دنيوية. علوم دنيوية جبار اوتيانا العلم من قبلها. دلوقتي احنا اوتيانا العلم من قبل الغرب ولا هم اللي زلينا بالعلم اللي عندهم؟ ربنا الاليات بتتخر بنموزج سيدنا سليمان اللي قوي جدا في العلوم - 00:54:16

دنيوية وكتنا مسلمين مش بيجيب جيد جدا ولا امتياز في الكلية وهو آآ مش متدين وكمان دين يا ودين. هو ده الاسلام. الاسلام دنيا ودين الاسلام انك تبقى ناجح في الاثنين. طب ابقى ناجح ازاي؟ يا ابني هو هو ربنا سبحانه وتعالى هيسير لك انه ييسره لليسري. فاما من اعطي واتقى - 00:54:36

وصدق الحسنى فسنيسره. ربنا ييسير لك. ربنا يعينك. بس انت خليك جد. شل انت بس الساعتين بتوع الفيس بتوع كل يوم دول. وشيل انت بس الخمس ساعات اللي زيادة عن التسع - 00:55:01

اللي انت بتناهمهم كل يوم خمس ساعات بتوع القليلة دول. وشيل انت يا شهيد شوية حاجات كده هتلاقى يومك بقى فيه بركة. بقى فيه انا باحزن والله العزيم يا اخواني اقسم بالله باحزن - 00:55:11

اما الاقي الشباب والاخوة في المسجد بعد صلاة الفجر ولا الضحى كله. اما اروح بقى عشان الحق انام. تنام ايه يا ابني؟ الحياة بتبدأ. انت رايح تنام الوقتي هتصحى امتي ولا وما نمتش بالليل ليه - 00:55:21

الباشا سهران قدام السوشيال ميديا ولا كان قاعد على الناصية مع اصحابه وهنمشي الليل ليه؟ مباريات مباريات الكورة بقى والباين سبورت ما نمتش ما نمتلكش اربع خمس ساعات بالليل ليه؟ وتصحى كده لو انت طالب من ستة لتسعة الصبح لثلاث - 00:55:34

ساعات دول تجيب جيد جدا. وانت حاطط رجل على رجل اخر السنة بازن الله. تلات ساعات بتوع الصبح دول. عافية اليوم يا عم انا بسهر طول الليل بذاكر خلاص يعني انت جد مش بتضيع وقتك خلاص يا عم ماشي انت راجل ترتيب يومك ماشي يعني انت انما ان الدنيا عندنا وقتك ده عمرك يا ابني - 00:55:54

ليه؟ قال رسول الله صلى الله عليه وسلم ما من ساعة شف النبي بيعرفنا امتي الوقتي ازاي؟ وبيقول لك رتب وقتك ازاي؟ ما من ساعة تمر بابن ادم كده عارف وانت واقف العربية دلوقتي تمر يمين وشمال وانت عادي يعني الموضوع عمرك قاعد يعدي يا ابني النهاردة عملت ايه؟ كم واحد في المسجد صلى الفجر النهاردة؟ يرفع ايده كده - 00:56:12

ما شاء الله كويس والله. ده ما شاء الله ده حوالى النص اللهم بارك. اللهم بارك. طب كم واحد قعد النهاردة جلسة الضحى طب مرة كت

في مسجد فيقول لهم ارجع له. والناس بقى مليانة يا رجاله ها مين فيكم يريد ان - 00:56:32

يموت شهيد في سبيل الله. على اعتاب المسجد الاقصى. بص بقى يالا الرعب بقى. كل الناس كدهو. يعني المفصل هيخلع من بعضه كلkm عايزين كلنا شهداء في سبيل الله. قلت لهم ده انت اليهود لو شافوكم وركبهم هتسيب بصرامة. ده هيقع من طولهم. طب مين فيكم بقى - 00:56:52

صلى الفجر النهاردة في الجامع كل اللي كان فوق بقى تحت اللي مستخبي في اللي قدامه. قلت له اذا كنت لا تستطيع ان تجاهد البطانية الساعة خمسة الصبح. هتجاهد المركبة والاف ستasher والاباتشي في الجهاد في سبيل الله. هو احنا يا اخوانا احنا بنضحك على بعض - 00:57:12

يا ابني اذا كنت انت مش عارف تحفz الجزء الثاني. عايزين انت جدعان. انتم رجاله. خدوا بالكم انا مش مش بقول كلام بقى باشد عليك انتم اللهم من يعني يعني والله يا اخوانى الواحد قلبه بيرقص من الفرح بالعينين اللي مرکزة اوی دی. والشباب اللي الزكاء اللهم بارك اللهم بارك - 00:57:32

بيتودق في وجهه وما شاء الله لا قوة الا بالله الوشوش جميلة. اللهم بارك اللهم بارك. يعني والله العزيم انا حبيت هزه البلد. يعني وانا في صدري دلوقتي كده ان شاء الله يعني - 00:57:52

اي فرصة تيجي ان شاء الله بازن الله بعد فترة الواحد بيجي تاني ان شاء الله بازن الله. الله يحفزك. ربنا يكرمك. جزار الله خيرا والله. يعني يعني اه انتمش مبسوطين ولا ايه؟ طب اعمل انك مبسوط يا اخي. ما حدش حبيبي يا شيخنا. الناس هنا ما شاء - 00:58:02

اللهم بارك اللهم بارك اللهم بارك. فربنا بيارك فيكم وربنا يحفزكم وتبقوا يعني من اهل قول الله واوتيانا العلم من قبلها وكنا مسلمين. تبقوا ناس ناجحين دنيا نروح الوقت بيتك. روح بيتك بقى انا شايف ان المعزم طلب الجامعة. وطلبة سانوي. روح دلوقتي بيتك. صلي سنة العشاء بقى لو انت ما كنتش صليتها في المسجد. بازن - 00:58:22

الله سبحانه وتعالى شد لك تلات ساعات مذاكرة حلوين. اول حاجة تعملاها اول ما تروح البيت تعمل ايه؟ دخل العفريت في القمقم بتعاله. هتدخل العفريت اعمل ايه؟ تقفل التليفون بتعالك. مش تعمله صامت. طيران. ها؟ واللي يتصل بك اكتر من خمس - 00:58:42
حطه في البليك ليست. برص صدقوني والله العظيم اقسم بالله التليفون ممكن بيقى فتح وتواصل وممكن يضيع لك عمرك. اقرب اكتر سبب لتضييع عمر اي انسان هم اقرب خمس ناس بيعرفهم في حياته. بص للخمسة اللي حواليك - 00:59:02
دول سبب ضياع ولا سبب رفعة اكتر ناس يضيئوك او يرفعوك اقرب خمسة لك. راجع نفسك في صحابك القريبين منك اوبي. بيزقوك في بيزقوك في الدنيا بيزقوك في النجاح ولا مفشنينك ولا مجرجرينك وراهم ومتوهينك ومضيعين لك حياتك. مش عايزين - 00:59:22

اواعى فوق لنفسك اول ما تروح اقفل المحول انتبني ادم. في وقت بتفتح تليفونك ووقت بتقفل تليفونك. هو انت آآ هو انت استراحة في الشارع اللي عايز بيجي يقعد يقعد - 00:59:42

حضرتك فاتحها فاتح حياتك كازينو لاي واحد فاضي عايز يدخل يتطل على حياتك يتطل لازم تبقى عارف انت امتي بتقعد تشوف مصلحتك وامتي انزل وسط الناس اقفل تليفونك تلات ساعات كده شد لك تلات ساعات حلوين مذاكرة. شد لك تسع وبعد كده امسك المصحف ها بعد ما تخلص كده امسك - 00:59:52

يا سلام! والواحد كان في اولى طب بقى اما كنت اخلص مذاكرة على اتناسنر بالليل كده واقوم انا ياما ما كنتش اعرف حاجة في المصحف. يعني بس واحد صاحبي جاب لي مصحف حلو زي ده كده هدية. جزار الله - 01:00:12

الله يرحمه يعني توفي. جاب لي مصحف هدية. بقيت كل يوم اخلص مذاكرة واقوم فاتح من اي مكان. مرة فتحت لقيت سورة النمل لا انساها. لا انسى الاحساس اللي كنت باحسه بعد ما زاكرت لي تلات اربع ساعات كده او خلصت المذاكرة واقوم قاعد بقى قاري لي ايه كزا صفحة قرآن حلوين كده. لا انساها. بيقى انت - 01:00:22

وبعد كده تنام تصحي تصلـي الفجر تـقعد تـشد لك تـلات ساعات تـانيـن بعد الفجر. يا بنـي اـدم عـايزـيـا عم تـروح تـسرـبـح لك تـلات اـربع ساعات تـلـعـبـ كـورـةـ ولاـ ايـهـ اـعـمـلـ ايـهـ - 01:00:42

تروـحـ جـيمـ تـتـعـلـمـ بـدـلـ ماـ تـلـعـبـ كـورـةـ. رـحـ اـتـعـلـمـ رـيـاضـةـ. رـحـ اـتـعـلـمـ رـيـاضـةـ. رـيـاضـةـ اـحـتـرـفـ فـيـ نـوـعـ مـنـ اـنـوـاعـ الـرـيـاضـاتـ لـنـفـسـكـ ياـ اـبـنـيـ خـلـيـكـ اـنـسـانـ وـقـتـكـ لـهـ قـيـمـةـ. حـيـاتـكـ لـهـ قـيـمـةـ رـبـنـاـ يـسـدـكـمـ وـبـيـارـكـ فـيـكـمـ ياـ رـبـ. اللـهـمـ اـهـدـنـاـ فـيـمـنـ هـدـيـتـ وـعـافـنـاـ فـيـمـنـ عـافـيـتـ. وـتـوـلـنـاـ فـيـمـنـ - 01:00:52

منـ تـوـلـيـتـ وـقـنـاـ وـاـصـرـفـ عـنـاـ شـرـ مـاـ قـضـيـتـ. اللـهـمـ بـارـكـ فـيـ هـذـاـ جـمـعـ المـبـارـكـ ياـ رـبـ الـعـالـمـيـنـ. اللـهـمـ بـارـكـ فـيـ رـجـالـهـ وـنـسـائـهـ وـشـبـابـهـ وـبـنـاتـهـ وـاطـفـالـهـ اللـهـمـ بـارـكـ فـيـ كـلـ هـذـاـ جـمـعـ ياـ اـرـحـمـ الـرـاـحـمـيـنـ. اللـهـمـ زـدـنـاـ وـلـاـ تـنـقـصـنـاـ. اللـهـمـ اـكـرـمـنـاـ وـلـاـ تـهـنـاـ. اللـهـمـ - 01:01:12

وـلـاـ تـحـرـمـنـاـ. اللـهـمـ اـثـرـنـاـ وـلـاـ تـؤـثـرـ عـلـيـنـاـ. اللـهـمـ اـهـدـنـاـ وـبـيـسـرـ الـهـدـىـ الـيـنـاـ. اللـهـمـ اـرـزـقـنـاـ النـجـاحـ فـيـ الـدـيـنـ وـالـدـنـيـاـ ياـ رـبـ الـعـالـمـيـنـ. اللـهـمـ اـصـلـحـ لـنـاـ دـيـنـنـاـ وـدـنـيـانـاـ. اللـهـمـ وـفـقـنـاـ وـارـشـدـنـاـ وـعـلـمـنـاـ وـفـهـمـنـاـ. اللـهـمـ اـقـمـنـاـ عـلـىـ مـرـادـكـ مـنـاـ. اللـهـمـ اـسـتـخـرـجـ مـنـاـ مـاـ يـرـضـيـكـ عـنـاـ - 01:01:32

بـرـحـمـتـكـ ياـ اـرـحـمـ الـرـاـحـمـيـنـ سـبـحـانـكـ اللـهـمـ وـبـحـمـدـكـ اـشـهـدـ انـ لـاـ اـلـهـ اـلـاـ اـنـتـ اـسـتـغـفـرـكـ وـاتـوـبـ الـيـكـ - 01:01:52